

樣本庫

4x143/125



陸淵雷校閱

清代名醫醫案大全

(四)

正文書局印行

1153132

清代名醫醫案大全
第四冊
次目

張聿青醫案

金子久醫案

丁甘仁醫案

附錄

上海國醫學院醫案講義

藥物用量及藥性功能表

張聿青先生

張乃修。字聿青。幼習制舉業。數不得志於有司。父故工醫。遂承其學。潛心探索。治疾多奇中。門下從游者數十人。自四方來。皆精其業。以去。晚年移居上海。就診者日益衆。卒於光緒三十一年。享年六十有二。

張 拿 青 醫 案 目 錄

溫病	暑證	瘧疾	泄瀉	痢疾	中風	虛損	喘欬	失血	痰飲	時腦
一	四	元	二	三	三	元	三	元	四	五

腫脹	痞氣	痺病	遺精	疝氣	癰瘰	汗症	咽喉	調經	胎前產後
三	五	癸	癸	元	三	五	癸	五	古

張 聿 青 醫 案

武進徐衡之編纂

溫 病

風溫八日。身熱欬嗽。左脅作痛。日來神煩不寧。甚則迷昧。氣升痰斯。痰色稠黃。齒垢頰紅。自汗渴飲。脈數浮絃。舌紅苔黃。日前痰中屢屢見紅。此由風邪化熱。灼燥肺胃。所有津液。盡爲火熱熬煉。皆化爲痰。肺爲熱炎所薰。肺葉煽動。有喘厥之虞。用竹葉石膏湯加味。

麥冬 石膏 桑白皮 天花粉 梨肉 製半夏 北沙參 馬兜鈴 淡竹葉

飲食內傷。時邪外感。從泄瀉而至發熱。熱勢甚熾。纖毫無汗。神情懊煩。煩渴而不多飲。脈象鬱數。舌紅苔黃罩灰。此由邪溼相合。三焦均受。恐邪溼交蒸。而邪化爲火。溼化爲燥。用薛氏升泄法。

煨葛根 生甘草 淡苳 滑石 米仁 大豆卷 上廣皮 苦桔梗 通草 澤瀉

復診。用薛氏升泄之法。便泄稍減。欬嗽增多。熱勢漸減。苔灰大化。雖屬轉輕之象。而未得汗。邪無出路。所以熱仍不解。心中覺時體煩。病起之際。卽耳竅閉塞。良由脾土素弱。所以感受風邪。上阻清竅。下趨大腸。但風脈必浮。今脈不以浮應。似非風象。殊不知風在表則浮。今風入腸胃。病既入裏。則脈不以浮應矣。仿喻嘉言先生逆流挽舟法。

前胡 川羌活 白桔梗 鬱金 雲茯苓 柴胡 青防風 炒枳殼 米仁 薏仁 淡苳

三診。引邪外達。正氣虛微。不能託送。未得汗出。便泄有粘膩。色白帶赤。熱勢雖見退輕。而迷沉欲寐。有時夾雜譫語。脈象糊滑。重按少力。苔黃。近根仍帶灰潤。此由中氣不足。外感之風。氤氲之溼。薰蒸之熱。煉液成痰。瀰漫神機。裏虛內陷之象。恐神昏發瘵。擬扶助中陽。兼清溼熱而化濁痰。

台參鬚 川連 製半夏 陳胆星 竺黃 竹茹 茯苓 乾薑 橘紅 生苳仁 薑沙

四診。疎泄風邪。清化氣熱。便泄漸定。解出溏糞帶黑。熱之象也。風爲陽

邪。不從外越。從中化熱。熱灼肺胃。欬嗽不爽。懊煩不寧。熱擾神明。言語妄亂。熱劫津液。神機不運。所以不爲煩懊。卽爲迷睡。陽明熱勝。則目赤。額紅。口渴。欲飲。脈數微弦。舌紅苔色深黃。根帶霉黑。種種見端。皆風邪化火。劫燥陰津之象。症方一候。邪勢隨張。恐陰津日乾。而神昏發瘵。擬救陰泄熱。

羚羊片 大麥冬 廣玉金 連喬殼 甘草 鮮鐵斛 真川貝 石菖蒲 黑山梔皮 北沙參 竹葉心

五診。口渴漸定。熱勢漸輕。舌紅較淡。苔黃轉白。灰霉漸退。右脈稍起。皆熱化津回之象。理應神清氣爽。而眠多醒少。仍復如前。耳聾不爽。大便不解。病之初起。原屬風溫夾溼。邪既化熱。劫燥陰津。雖有溼邪。亦成燥火。今津回熱化。燥仍爲溼。餘熱與溼。瀰漫胸中。如霧氤氲。所以眠多醒少。擬清泄火風。參以化痰。

連喬 黑梔皮 天竺黃 桔梗 廣鬱金 前胡 晚露沙 薄荷 陳胆星 象貝母 桑葉

白金丸

溫邪將及兩候。發熱有汗不解。夜甚無寐。胸悶不舒。煩渴而不欲飲。脈數右部沉鬱。左部絃大。舌紅苔黃。根帶灰霉。無形之邪。有形之溼。薰蒸不化。遂致清津不能上供。陰液由此漸虧。恐化燥而神機不運。漸成昏蔽。擬退熱泄溼。卽請商裁。

羚羊片 淡苈 光杏仁 赤苓 生米仁 連喬殼 鬱金 滑石塊 通草 生梨汁 蘆根
白蔻仁

時病八日。始則發熱便泄。繼而呃逆頻頻。便泄雖止。而表邪入裏。遂致裏熱神煩。頻渴欲飲。面色浮紅。舌苔焦黑無津。脈象細數。此由邪熱不從外達。轉從內陷。劫燥陰津。所以滿舌焦乾。氣火上衝。不得入。所以頻頻呃逆。將有神昏發瘧之變。勉擬存陰救津。兼清龍相以平其衝逆之威。能否應手。非所敢知也。

大生地 阿膠珠 赤茯苓 大麥冬 生草 鮮竹茹 柿蒂 枇杷葉 大補陰丸

風溫大勢已解。而痰熱未清。欬嗽戀痰稠黃。升火少寐。右寸脈獨大。良以邪熱灼肺。手太陰清肅無權。則足太陰轉輸失職。致熱蒸而煨液成痰。痰火因而內熾。鼻準清冷。乃氣機之閉鬱。以兼症之中。別無元陽衰脫之見端也。擬清化痰熱而肅肺氣。

茯苓 黑山梔 海浮石 炒薑皮 川貝母 杏仁泥 冬瓜子 風化硝 新降 枇杷葉
竹茹鹽水炒 燈心

症起四日。壯熱無汗。肢體煩疼。頭脹作痛。痰多口膩。脈數右部浮大。夫熱重而至炙手。自必懊懣煩悶。此時尙無煩懊情形。其熱之尙在肌表。顯然可見。考太陽爲六經之首。主皮膚而統衛氣。今風邪在表。陽氣屈曲不伸。故發熱頭疼。其所以不能作汗者。良由溼痰素盛。內壅不宜。則表邪難達。吳又可先生。所謂水注閉其後竅。則前竅涓滴。此正發汗之義也。肢體之痛。左脅

爲其肝臟居左。風氣通於肝也。擬於疏解之中。參入化痰。必得汗泄。方能推散。然不易也。

荊芥穗 霜桑葉 羌活 廣鬱金 旋覆花 製半夏 橘紅 赤白苓 光杏仁 真蘇絲

枳實 竹茹 桔梗

症逾兩候。先發紅疹。繼透白痞。又復經行。邪勢未始不從疹從痞而稍泄。所以數日前病有退機。煩熱口渴已得大定。然既疹既痞。營氣兩液。必然暗虛。而方寸愁慮。木火升動。邪熱從而轉熾。煩熱復盛。耳鳴耳竅閉塞。喉有痰聲。識如夢語。手指引動。少腹氣墜作脹。脈數滑帶絃。舌紅苔黃。邪淫未化。木火暗升。煉液成痰。神機不運。有神昏發瘡之虞。勉擬透熱涼肝。化痰宣竅。

羚羊片 赤苓 竹茹 益元散 大連翹 陳膽星 黑山梔 光杏仁 鬱金 橘葉 銀花露

復診。透熱涼肝。化痰宣竅。煩懊大減。寐亦略安。四肢引動較定。少腹作脹亦鬆。紅疹略爲化淡。脈絃稍柔。舌紅黃苔化薄。今晨略痰三口。頗覺爽適。

自覺胸中尚有痰粘之狀。的是肝膽之火。與邪熱交熾。煉液成痰。遂令痰火相煽。神昏發瘧。岌岌可虞。前藥進後。未及一週。未便操之太激。擬清化邪熱。參以化痰。

連翹 粉丹皮 廣郁金 陳膽星 白蒺藜 山楂 瓜蒌皮 光杏仁 益元散 青竹葉
活水蘆根 銀花露

溼溫已屆三候。不特汗痞均不獲暢。而且四肢背脊。尚覺惡寒。陽氣不能敷布。與陽氣之衰微者。大相懸殊也。陽何以不布。溼阻之也。溼何以不化。飲食水穀資之助之也。爲敵助糧。引虎自衛。非計也。擬開展氣化。使溼隨氣行。則白痞及汗。可以通暢。

光杏仁 鬱金 桔梗 藿香 滑石 生米仁 製半夏 蓮草

症屬兩候有餘。熱勢並不甚重。夫淹病半月。邪雖不化爲火。斷無不化熱之理。亦斷無化熱而熱不甚之理。其所以淹淹者。邪輕於溼。溼重於邪也。

溼蘊肺胃。胃氣不降。所以湯飲入口。似有噎塞之狀。并作噁心。熱蒸則口渴。而溼究內踞。所以仍不欲飲。溼爲水屬。得煖則開。所以喜進熱飲。大便一日數次。皆是穢水。內經所謂溼勝則泄也。溼鬱之極。陰陽不通。以致振寒而戰。鬱極而通。得以汗泄。肌表之風。隨溼外越。發爲白疹。雖屬邪溼之出路。然肌膚分肉之事。於三焦之薰蒸。依然無益。耳竅不聰。濁邪之害清也。鼻起烟霧。是薰蒸之炎。有諸內形諸外也。刻下神情呆鈍。時帶錯語。若以熱擾神明。靈機被塞。自必有一種昏憤情形。今似糊非糊。似爽非爽。皆是無形之邪。與有形之溼。蒸騰瀰漫。其胸中清曠之地。遂成烟霧之區。大有蒙閉之虞。脈象沉細不爽。舌苔淡黃指膩。尤爲溼鬱熱蒸之確據。茲擬辛以開。苦以泄。芳香以破濁。淡滲以引溼下行。

嵩川連 製半夏 鬱金 石菖蒲 陳橘皮 赤白苓 淡乾薑 姜竹茹 香豉 白蔻仁
生薏仁 通草

復診。投藥之後。神情大爲靈爽。耳竅略聰。便泄亦減。溼之如霧迷蒙者。得化稍開。而蘊蓄之熱。亦於此勃發。所以午後甚爲煩熱。不若日前之沉迷罔覺也。脈象較爽。苔亦略化。然中心黃指。臍下作痛拒按。煩轉矢氣。口渴欲飲。良由溼積交蒸。不能泄化。還恐昏燥等變。

製半夏 黃芩 石膏 蒲 竹二青 廣鬱金 白蔻仁 赤猪苓 光杏仁 滑石塊 方通草
香豆豉 木香 檳榔丸

三診。丸藥緩下。便泄已止。而腹中依然滿痛。煩轉矢氣。熱勢疊次輕退。而胸次不舒。格格欲嘔。屢湧酸涎。其爲熱積交阻。瞭然可見。所可異者。口渴欲飲。不能稍緩。若係津枯。則內既燥涸。其酸涎何由而至。所以然者。都由積阻於下。溼鬱於上。清氣不能上行。則雖有清津。無從流佈。所以愈燥則愈飲。愈飲而更燥也。再擬疏化三焦。參以導滯。

香豆豉 廣鬱金 製半夏 淡乾薑 通草 生薏仁 川朴 石膏 蒲 上湘軍 桃仁泥

猪苓 枳實

四診以燥治燥。津液果回。其爲氣溼鬱遏。清津無以上供。固無疑義。復下數次。腹脹已鬆。少腹偏左之痛已退。偏右按之仍痛。脈細沉數。舌心乾毛。幸邊道已潤。良由鬱蒸漸解。氣機漸得施化。津液漸得通行。而餘滯積溼。猶未盡達。將及三候。元氣支離。未便疊次峻攻。暫爲退守。待稍能安穀。再商續下可耳。

川芎 連 香豆豉 杏仁泥 赤猪苓 澤瀉 白蔻仁 廣鬱金 淡乾薑 枳實 製香附
通草 枇杷葉

溼熱素盛。復感時邪。邪與溼蒸。發熱不解。溼邪相持於內。表氣不能外通。旬日已來。未經暢汗。邪勢正熾之際。更兼誤食麵包。胃口爲之壅實。溼痰因而瀰漫。清津被抑。不能上供。以致神識迷糊。舌乾無津。苔黑而舌質淡白。斑點隱約不透。大便不行。脈形滑數。邪溼化燥。瀰漫神機。內竄昏厥。指顧間

事也。與子範仁兄同議宣通鬱遏。以望神機通靈。清津流布。然恐難得也。

枳實 廣鬱金 滑石塊 天竺黃 陳胆星 川鴉連 光杏仁 瓜蒌仁 鮮石菖蒲

白蘆薈汁 陳海蜃 活水蘆根

復診。昨進開通蘊遏。流溼潤燥。舌乾轉潤。迷糊稍清。面色稍淡。鬱遏較開。清津得以上供。所以舌燥轉潤。表氣漸得外通。斑點略爲透露。然仍大便不行。迷蒙如睡。脈象糊滑。舌苔灰滯垢膩。胃中之濁邪。閉鬱尙盛。胃脈通心。還恐昏瘡。與子範兄同議苦辛泄化。參以劫痰。不敵當前。成敗非所知也。卽請商裁。

川鴉連 瓜蒌仁 光杏仁 淡黃芩 淡乾薑 佩蘭葉 荳蔻花 製半夏 陳胆星 萊菔子

竹茹 鬱金 菖蒲 明礬 明雄精

三診。苦辛通降。參以化痰。神識略爲清爽。而仍迷蒙如寐。日前神情安靜。今則時揭衣被。頗有懊煩之意。清津既回之後。津液復劫。舌苔焦黑。舌質

深紅。脈絃滑而數。良由痰溼積蘊遏。漸化爲火。火劫陰津。胃脈通心。深恐熱入胞絡。症極鄭重。勉與子範仁兄大人同議急下存陰法。卽請商裁。

鮮首烏 連翹 天花粉 光杏仁 廣鬱金 元明粉 枳實 竹茹 生廣軍 礞石滾痰丸

至寶丹

四診投劑之後。大便秘行。神情大爲清爽。痰亦爽利。而日晡後又復漸見迷蒙。脈形轉細。舌乾質紅苔黑。以湯潤之。則浮糙濁垢滿布。齒垢唇焦。斑點雖漸透露。而未暢達。良由邪濁化火。遂令陽明熱熾。劫燥陰津。仍恐熱從內竄。而神昏瘳厥。勉擬瀉南補北。泄熱透班。留候子範仁兄酌奪。

烏犀角 川貝母 阿膠珠 錢羚羊角 連翹 大天冬 鮮石膏蒲 細生地 蘆根 竹瀝

瀉珠粉

水痘之後。邪雖外達。餘熱未清。飲食頻進。胸中之餘熱。與穀氣交蒸。熱綿不退。漸至愈蒸愈重。淫邪遏伏。津不上布。曾見舌苔乾白。而並不渴飲。旬

日以來。熱勢轉有起伏。手清時暖。耳聾不聰。脈象右部糊數。左部絃大。當午火升。而熱勢夜重。舌紅溫甚。苔白溼甚。咳不揚暢。此由溼熱薰蒸。溼多熱少。溼在胃中。陽明少降。致少陽之木火。挾濁上騰。遂令清竅爲之蒙阻。若蒙閉內竅。便成棘手重證。然火升暮熱。神煩耳聾。釜中之沸也。如烟如霧。蘊釀薰蒸。釜底之薪也。擬流化三焦。以分其清濁。作抽薪之計。暫觀動靜。諸高明以爲然否。

香豆豉 晚五沙 廣鬱金 前胡 光杏仁 白蒺藜 赤白苓 通草 白桔梗 生苡仁

鮮竹茹

復診流化氣機。氣通表達。發出白痞。背部爲多。背俞屬肺。肺氣先得宣泄。然陽明之熱。太陰之溼。不克遽化。熏蒸之勢。猶然難解。熱仍起伏。伏則迷蒙多寐。胸中清曠之區。竟爲溼熱薰蒸之地。神機自難轉運。舌淡紅。苔白膩。右脈糊數。還是邪溼滯處之象。再從流化之中。參入芳香。以破穢濁。卽請商